



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-6-11/19
Sarajevo, 26.08.2019. godine

Na osnovu člana 64. člana 70. Zakona o javnim nabavkama BiH ("Službeni glasnik BiH", broj 39/14) i Preporuke komisije za javne nabavke broj JN1-16-4-6-10/19 od 26.08.2019. godine, direktor Agencije za statistiku BiH donosi:

ODLUKU
o izboru najpovoljnijeg ponuđača

Ugovorni organ -Agencija za statistiku BiH- prihvata Preporuku komisije za nabavke broj JN1-16-4-6-10/19 od 19.04.2019. godine za izbor najpovoljnije ponude za nabavku robe – **Kancelarijski materijal** (JRJN 30192000-1) za potrebe Agencije za statistiku BiH, koja se provodi u skladu sa članom 88. Zakona o javnim nabavkama, a po odluci za nabavku predmetne robe broj: JN1-16-4-6-1/19 od 29.07.2019. godine, te je kao najuspješniji ponuđač izabrana firma "Elkom" d.o.o. Vitez sa ponuđenom cijenom u iznosu od 17.300,39 KM sa PDV-om (ponuda broj: 60/2019 od 13.08.2019. godine), jer je ponudio najnižu (ukupnu) cijenu.

Obrazloženje

Agencija za statistiku BiH je objavila obavještenje o nabavci robe kancelarijski materijal na portalu javnih nabavki broj: 11-7-1-7-3-9/19 od 02.08.2019.

Po prethodno navedenom obavještenju ponude su poslala ukupno dva (2) ponuđača i to:

1. 51-01-0279-09 „Elkom“ d.o.o Vitez sa ponuđenom cijenom u iznosu od 19.137,80 KM sa PDV-om.
2. 65-01-0857-08 „R&S“ d.o.o. Vogošća sa ponuđenom cijenom u iznosu od 17.391,35 KM sa PDV-om.

Komisija je konstatovala ispravnost ponuda za predmetnu nabavku u smislu ispunjenja formalno tehničkih uslova (koverta ispravno zatvorena i opečaćena, sve ponude parvilo uvezane čvrstim uvezom, stranice numerisane itd). Pristigle ponude ne ispunjavaju uslove za primjenu preferencijalnog tretmana domaćeg. Komisija je izvršila provjeru računске ispravnosti pristiglih ponuda, te je u ponudi ponuđača „R&S“ d.o.o. Vogošća utvrdila računsku grešku u obrascu za cijenu ponude koja je ispravljena. Dana 15.08.2019. komisija je navedenom ponuđaču uputila zahtjev za prihvatanje ispravke računске greške koju je isti i prihvatio slanjem saglasnosti koja je zaprimljena na protokol ugovornog organa dana 20.08.2019. godine.

Nova ispravljena cijena ponude ponuđača „R&S“ d.o.o. Vogošća iznosi 14.863,14 KM bez PDV-a, odnosno 17.389,87 KM sa PDV-om.

Komisija nastavlja sa radom nakon završetka e-Aukcije koja je zakazana za 22.08.2019. godine u 12:00 sati.

Dana 22.08.2019. godine proveden je postupak e-Aukcije u skladu sa Pravilnikom Vijeća ministar BiH o uslovima i načinu korištenja e-Aukcije („Sl. glasnik BiH“ br. 66/16). Početna rang lista ponuđača koji su pozvani da učestvuju u e-Aukciji je slijedeća:

1. „R&S“ d.o.o Vogošća sa početnom cijenom od 14.863,14 KM bez PDV-a.
2. „Elkom“ d.o.o. Vitez sa početnom cijenom od 16.357,10 KM bez PDV-a

E-Aukcija je počela u 12:00 sati i planirano trajanje iste je 10 minuta. U toku e-Aukcije ponuđač „Elkom“ je snizio početni iznos cijene svoje ponude za 9,274%. Ponuđač „R&S“ d.o.o. Vogošća u toku e-Aukcije nije vršio sniženje početne cijene svoje ponude. Konačna cijena ponuđača „Elkom“ nakon završene E-aukcije iznosi 14.840,00 KM bez PDV-a, a konačna cijena ponuđača „R&S“ nakon završene E-aukcije iznosi 14.863,14 KM bez PDV-a,

Komisija je 23.08.2019. u 10:00 sati nastavila svoj rad te je zaključila da će nakon provedene e-Aukcije jedinične cijene svih traženih stavki u ponudi ponuđača „Elkom“ d.o.o. Vitez biti umanjene za iznos od 9,274%, te je donijela konačnu rang listu ponuđača kako slijedi:

1. „Elkom“ d.o.o. Vitez sa ukupnom cijenom od 17.300,39 KM sa PDV-om;
2. „R&S“ d.o.o. Vogošća sa konačnom cijenom od 17.389,87 KM sa PDV-om;

Nakon provedene analize i ocjene ponuda u skladu sa članom 65. ZJN BiH i postavljenim kriterijima u tenderskoj dokumentaciji (TD) kao najpovoljniji ponuđač sa kojim ugovorni organ namjerava zaključiti ugovor o predmetnoj nabavci, a na osnovu ponude broj 60/2019 od 13.08.2019. godine je „Elkom“ d.o.o. Vitez sa ponuđenom početnom cijenom u iznosu od 19.137,80 KM sa PDV-om za traženu robu koja je nakon provedene e-Aukcije smanjena za 9,274% te u konačnici iznosi 17.300,39 KM sa PDV-om. S obzirom da je ponuda ponuđača „Elkom“ d.o.o. Vitez ocjenjena kao prihvatljiva i sa najnižom cijenom, komisija za nabavku predlaže prihvatanje iste i daje preporuku ugovornom organu da se u skladu sa članom 70. ZJN BiH donese odluka o izboru najpovoljnijeg ponuđača.

Navedeni ponuđač ocjenjen je kao najuspješniji i najpovoljniji za ugovorni organ, jer je ponudio najnižu cijenu što je u skladu sa članom 64. i članom 65. ZJN BiH. Ugovorni organ će sa izabranim ponuđačem (po pravosnažnosti ove odluke) zaključiti ugovor u kojem će se precizirati uslovi i vrijeme realizacije ponude izabranog ponuđača. Izabrani ponuđač je dužan dostaviti traženu dokumentaciju iz tenderske dokumentacije, u skladu sa članom 45. ZJN BiH.

Ova odluka objaviće se na web stranici Agencije za statistiku BiH u skladu sa članom 70. ZJN. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN BiH.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalba u skladu sa članom 99. i 101. ZJN. Žalba se podnosi ugovornom organu Agencija za statistiku BiH, ul. Zelenih beretki 26, 71 000 Sarajevo.



Direktor

Dr. sc. Velimir Jukić

Dostaviti: - Ponuđačima
- a/a